



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 215

DATUM: 18.03.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Savez općina i gradova Federacije BiH na simpoziju gradonačelnika u Beču

Predstavnici MMF-a u posjeti Savezu općina i gradova Federacije BiH

Misija OSCE-a potpisala je sporazum o jačanju saradnje sa Savezom općina i gradova Federacije i Savezom opština i gradova RS-a

Oživljavanje uloge mjesne zajednice poboljšat će kvalitet života u BiH

Za zapošljavanje Općina Novi Grad Sarajevo izdvaja 200.000 KM

Nova radna mjesta u Općini Ključ: ASA Prevent pokreće proizvodnju namještaja

Općina Jablanica učestvovala na konferenciji prekogranične saradnje u Splitu

U Mostaru raspisan konkurs za najbolje uređeno dvorište

Najava obilježavanja dana općina i gradova za mjesec mart/ ožujak

Bilten Saveza općina i gradova Federacije Bosne i Hercegovine

SAVEZ OPĆINA I GRADOVA FEDERACIJE BIH NA SIMPOZIJU GRADONAČELNIKA U BEČU



Predstavnici Saveza općina i gradova Federacije BiH sudjelovali su na Simpoziju gradonačelnika jugoistočne Evrope Svjetske banke, koji je održan u Grazu (Austrija) 29.02. i 01.03.2016. godine. Simpozij je organizovan u okviru Programa urbanog partnerstva Svjetske banke i Republike Austrije. Međunarodni Simpozij gradonačelnika Svjetske banke okupio je preko 150 gradonačelnika, načelnika, općinskih uposlenika i organizacija iz 16 zemalja svijeta. Delegaciju iz Bosne i Hercegovine činili su predstavnici općina

Novo Sarajevo, Odžak, te gradova Tuzla, Zenica, Bijeljina i Banja Luka. Težište ovogodišnjeg Simpozija bilo je na jačanju međusobne saradnje i uključivanje građana kao preduvjet održivog razvoja urbanih sredina. Poslije uvodnih pozdrava od strane predstavnika Svjetske banke i Federalnog ministarstva finansija Republike Austrije, prisutnima se obratio domaćin ovogodišnjeg Simpozija, gradonačelnik Graza, Siegfried Nagl. U toku simpozije, učenici su imali priliku čuti više o komponentama Programa urbanog partnerstva kao što su: Samoprocjena općinskih finansija, Društvena odgovornost i Inicijativa za izgradnju integriteta. Pored prezentacija navedenih komponenti, održane su panel diskusije na temu dijaloga različitih nivoa vlasti, liderstva u doba kriza, te poboljšanja usluga na lokalnom nivou iz oblasti vodosnabdijevanja.

Pored diskusija i prezentacija, učesnicima je ponuđena i mogućost da se upoznaju sa sistemima snabdijevanja Graza električnom energijom i vodom.

PREDSTAVNICI MMF-a U POSJETI SAVEZU OPĆINA I GRADOVA FEDERACIJE BIH



Savez općina i gradova Federacije je 8. marta/ožujka ugostio delegaciju MMF-a. Sastanku su ispred Saveza prisustvovali načelnici Ljubo Grizelj, načelnik Općine Grude i Asim Mekić, načelnik Općine Busovača, te Vesna Travljanin, direktorica Saveza. Na početku sastanka direktorica Saveza općina i gradova Federacije BiH je pozdravila prisutne, te ih upoznala sa aktivnostima i projektima na kojima radi Savez, dok je načelnik Općine Grude, govorio o radu Predsjedništva Saveza. Asim Mekić je naveo probleme funkcionisanja državnog aparata, nekonsultovanja Saveza prilikom donošenja zakona koji se odnose na

jedinice lokalne samouprave. Upoznao je prisutne sa problemima raspodjele javnih prihoda gdje viši nivoi vlasti uzimaju veći dio za sebe nego što im pripada, a na štetu općina i gradova.

Gledajte Savez općina i gradova
Federacije Bosne i Hercegovine na



Predstavnici MMF-a smatraju da se Savez mora konsultovati prilikom donošenja zakona koji se odnose na općine i gradove. Spomenuli su Zakon o finansiranju jedinica lokalne samouprave, Zakon o porez na dohodak i Zakon o porezu na dobit. Predstavnici MMF-a su zainteresovani za informacije oko navedenih zakona, kao i da li je rađena analiza ili neki dokument koja se fokusira na probleme koje su iznijeli načelnici. Suštinsko je da se treba razjasniti šta pripada višim nivoima vlasti, a šta JLS zbog planiranja i razvoja. Takođe, na pitanje o povećanju poreza na dohodak građana unutar općina i gradova, Ljubo Grizelj je rekao da se ne slaže sa tim prijedlogom i istakao problem crnog tržišta i velikog broja nezaposlenih

MISIJA OSCE U BIH POTPISALA JE SPORAZUM O JAČANJU SARADNJE SA SAVEZOM OPĆINA I GRADOVA FEDERACIJE BIH I SAVEZOM OPŠTINA I GRADOVA REPUBLIKE SRPSKE



Misija OSCE-a u Bosni i Hercegovini je 9. marta/ožujka sa savezima općina i gradova Federacije BiH i Republike Srpske potpisala sporazume o partnerstvu (AMSC) koji će ojačati saradnju saveza općina i gradova sa općinskim vijećima i intenzivirati međupćinsku i međuinstitucionalnu saradnju u državi.

Ceremoniji potpisivanja su bili prisutni predstavnici OSCE-a, direktorica Saveza općina i gradova Federacije BiH Vesna Travljanin i generalni sekretar Saveza opština i gradova Republike Srpske Aco Pantić.

Aco Pantić smatra da su konferencije koordinatora i predsjedavajućih općinskih vijeća najznačajniji događaj za jedinice lokalne samouprave, kao i da su projekti OSCE-a ojačali saradnju oba saveza.

Direktorica Vesna Travljanin se zahvalila u ime općina i gradova Misiji OSCE-a u Bosni i Hercegovini na podršci koju pružaju. Napominje da je Savez općina i gradova Federacije BiH ostvario odličnu saradnju sa komisijama Parlamenta Federacije i pozvala predstavnike OSCE-a da se pridruže zajedničkoj sjedini komisija za lokalnu samoupravu oba doma Parlamenta Federacije BiH. Predstavnici OSCE-a su se zahvalili i pohvalili saradnju sa savezima.

Savezi općina i gradova su tijela koja predstavljaju platformu za razmjenu znanja i najboljih primjera iz prakse između jedinica lokalne samouprave i koja lobiraju za ostvarenje općinskih interesa kod viših nivoa vlasti. Misija OSCE-a ima dugogodišnju saradnju sa savezima općina i gradova. U skladu sa njihovim ključnim strateškim prioritetima, da predstavljaju i zastupaju interese jedinica lokalne samouprave, Misija OSCE-a nastavlja da radi sa savezima općina i gradova u pružanju podrške i usluga predstavničkim organima na lokalnom nivou.

Oblasti suradnje, koje su naznačene u sporazumima o partnerstvu, su utvrđene zajedno sa savezima općina i gradova i drugim institucijama u Bosni i Hercegovini. Ta inicijativa je dio OSCE-ovog tematskog programa posvećenog lokalnoj upravi, u okviru kojeg se radi na konsolidaciji dostignuća u dobroj upravi u državi.

OŽIVLJAVANJE ULOGE MJESNE ZAJEDNICE POBOLJŠAT ĆE KVALITET ŽIVOTA U BIH

120 mjesnih zajednica i 20 jedinica lokalne samouprave širom zemlje učestvovat će u projektu "Jačanje uloge mjesnih zajednica u Bosni i Hercegovini" koji je 11. marta/ožujka predstavljen u Parlamentarnoj skupštini BiH. S ciljem povećanja demokratskog i direktnog učešća građana Bosne i Hercegovine u lokalnoj upravi, jačanja odgovornosti općinskih vlasti i poboljšanja infrastrukture i usluga na nivou mjesnih zajednica, ovaj projekat će doprinijeti poboljšanju kvalitete života 300.000 ljudi širom zemlje.

U skladu sa njihovim ključnim strateškim prioritetima, da predstavljaju i zastupaju interese jedinica lokalne samouprave, Misija OSCE-a nastavlja da radi sa savezima općina i gradova u pružanju podrške i usluga predstavničkim organima na lokalnom nivou.



Projekat "Jačanje uloge mjesnih zajednica u BiH" predstavlja zajedničku inicijativu vlada Švicarske i Švedske, a sprovodit će ga Razvojni program Ujedinjenih nacija (UNDP) u BiH u partnerstvu sa Ministarstvom za ljudska prava i izbjeglice BiH, Ministarstvom pravde Federacije BiH, Ministarstvom za upravu i lokalnu samoupravu Republike Srpske, Vladom Brčko Distrikta, Savez opština i gradova Republike Srpske i Savez općina i gradova Federacije BiH. Ukupna vrijednost projekta kojeg podjednako sufinanciraju vlade Švicarske i Švedske iznosi 14,5 miliona KM, a planirano je da se sprovede do sredine 2019. godine.



„Uloga mjesnih zajednica je neosnovano minimalizirana u proteklom periodu. Ovaj projekat je specifičan jer će animirati građane da preuzmu odgovornost i aktivniji angažman u rješavanju svakodnevnih problema i životnih pitanja naših ljudi“, izjavila je ovom prilikom Semih Borovac, ministrica za ljudska prava i izbjeglice BiH.

Ambasador Švicarske u BiH Heinrich Maurer izjavio je da njegova zemlja ima dugogodišnje iskustvo direktnog učešća građana na lokalnom nivou. „Švicarska stoga podržava razvoj lokalne uprave u BiH kroz različite projekte od 2001. godine. Kroz podršku mjesnih zajednica kao mjesta na kojima se direktno čuje glas građana, može se povećati opće povjerenje u javne institucije vlasti i ojačati civilno društvo. Trebamo imati na umu da država služi građanima, a ne obratno“, naglasio je Maurer.

„Jačanjem uloge mjesne zajednice, kao temeljne lokalne strukture građana, gradi se osnova za kreiranje promjena u lokalnoj upravi od niže ka višoj razini vlasti. Mjesne zajednice trebaju biti polazna tačka gdje će građani BiH artikulirati svoje potrebe vezane za razvoj lokalne zajednice i sudjelovati u općinskim procesima donošenja odluka koje utječu na njihove živote“, rekao je Fredrik Schiller, ambasador Švedske u BiH.

Zahira Virani, zamjenica rezidentne predstavnice UNDP u BiH, je naglasila „da uspješnost mjesnih zajednica zavisi od predanosti građani i vlasti realizaciji zajednički dogovorenih vizija mjesnih zajednica kao temelja za odgovorniju lokalnu upravu u BiH koja omogućava veće direktno učešće građana.“

Oснаžene mjesne zajednice pružat će efikasne i pristupačne usluge građanima, sa naročitim fokusom na jačanje i uključivanje žena, mladih i drugih marginaliziranih grupa stanovništva u ekonomske, socijalne i političke tokove. Također će se težiti međusobnom povezivanju mjesnih zajednica i partnerstvima sa organizacijama civilnog društva kako bi se oživio demokratski prostor za građanske inicijative.

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euoinfocentar.ba
www.balkanfund.org
www.eurelsmmed.com
www.eacea.ec.europa.eu



Grb Općine Novi Grad Sarajevo

ZA ZAPOSŁJAVANJE OPĆINA NOVI GRAD SARAJEVO IZDVAJA 200.000 KM

Općina Novi Grad Sarajevo ove će godine u zapošljavanje pripravnika i prekvalifikaciju za deficitarna zanimanja u svrhu zapošljavanja usmjeriti 200.000 konvertibilnih maraka.

Riječ je o jednoj od mjera podsticaja razvoju privrede i zapošljavanja koju ova lokalna zajednica provodi u saradnji sa Javnom ustanovom Služba za zapošljavanje Kantona Sarajevo.

Tim povodom načelnik Općine Novi Grad Semir Efendić i direktor Službe za zapošljavanje KS Igor Kamočaji, potpisali su memorandum o razmijevanju i saradnji na realizaciji navedenog programa. Program će biti usmjeren isključivo prema privredi i neće se odnositi na zapošljavanje pripravnika u javnim ustanovama, organima uprave i slično.



„Opredijeljeni smo da aktivno radimo kada je u pitanju privreda i rješavanje problema nezaposlenosti i provodimo set mjera od kojih jedna podrazumijeva izdvajanje sredstava iz općinskog budžeta za prekvalifikaciju i staziranje ili pripravnički staž, odnosno prvo zaposlenje. Ukupno je 5 posto budžeta Općine usmjereno u razvoj privrede Novog Grada. Sve osobe koje će biti zaposlene kroz ovaj program bit će sa evidencije Službe za zapošljavanje Kantona Sarajevo, odnosno Biroa za zapošljavanje Novi Grad”, rekao je načelnik Efendić.



Dodao je da Općina ima dobru praksu sa firmom Zrak, jedinom na svom području iz oblasti namjenske industrije, sa kojom je u protekle dvije godine vršeno zapošljavanje pripravnika putem prekvalifikacije, od koji su sve osobe koje su prošle obuku, nastavile da rade u firmi Zrak, što je dobar primjer obuke za deficitarna zanimanja. „I ove godine ćemo najvjerovatnije nastaviti realizaciju tog projekta, jer već imamo zahtjev od ove firme za angažman nove radne snage, a firma Zrak ima ugovorene poslove za cijelu 2016. godinu”, naglasio je načelnik Efendić. Uz pomoć privrednog Savjeta, Općina Novi Grad tražit će model sličan onom koji provodi sa firmom Zrak, a to podrazumijeva da ljudi koji završe sa prekvalifikacijom ili pripravničkim stažom, dobiju zaposlenje, a ne da se ponovo nađu na Birou za zapošljavanje.

Direktor Kamočaji je istakao da je Općina Novi Grad jedna od prvih Općina u Sarajevskom kantonu koja je prepoznala ovaj vid partnerstva između javnih ustanova i lokalne samouprave u dijelu koji se odnosi na pitanje smanjenja nezaposlenosti, odnosno brže integracije nezaposlenih osoba na tržište rada. „Brojni su primjeri u zemljama u regionu gdje lokalne zajednice poput ove inicijative smanjuju nezaposlenost, a potiču osobe sa evidencije nezaposlenih da riješe svoje egzistencijalno pitanje”, izjavio je Kamočaji.

Općina Novi Grad će uz pomoć privrednog Savjeta najprije provesti anketu sa firmama iz Novog Grada kako bi one mogle iskazati potrebe za zanimanjima, koja ne mogu da nađu na tržištu rada. Na osnovu potreba firme ići će se u raspisivanje konkursa.

Ukupno je 5 posto budžeta Općine usmjereno u razvoj privrede Novog Grada. Sve osobe koje će biti zaposlene kroz ovaj program bit će sa evidencije Službe za zapošljavanje Kantona Sarajevo, odnosno Biroa za zapošljavanje Novi Grad”, rekao je načelnik Sermir Efendić.

NOVA RADNA MJESTA U OPĆINI KLJUČ: ASA PREVENT POKREĆE PROIZVODNJU NAMJEŠTAJA



U proteklom periodu vođene su intenzivne aktivnosti u cilju stvaranja uvjeta za investiranje u Općinu Ključ od strane ASA Prevent grupacije, koja je najveći izvoznik iz Bosne i Hercegovine u ovom trenutku i trenutno u BiH zapošljava preko 6.000 ljudi. Nakon date saglasnosti Vlade Unsko-sanskog kantona i upravljačkih struktura preduzeća Sanotaf d.o.o. Ključ, između preduzeća Sanotaf d.o.o. Ključ i Društva za konsalting i upravljanje Athabasca Investment d.o.o. Sarajevo, koje je članica grupacije ASA Prevent, potpisan ugovor o zakupu nekretnine koja se nalazi u Ključu. Potpisivanju ugovora prisustvovali su premijer USK Izudin Saračević,

predsjednik uprave ASA Prevent grupacije Almir Jazvin sa saradnicima, potpredsjednik Vanjskotrgovinske komore Ahmet Egrlić i načelnik Općine Ključ Nedžad Zukanović. Istaknuto je da će u narednom periodu na području Općine Ključ doći do značajnog zapošljavanja i da će u predstojećim mjesecima ova aktivnost rezultirati promjenom ekonomskog stanja u Ključu, ali i cijelom Unsko-sanskom kantonu.



Grb Općine Ključ

OPĆINA JABLANICA UČESTVOVALA NA KONFERENCIJI PREKOGRANIČNE SARADNJE U SPLITU



Grb Općine Jablanica

Predstavnici Službe za lokalni ekonomski razvoj i investicije, finansije i trezor općine Jablanica, učestvovali su na jednodnevnoj konferenciji u Splitu 10. marta 2016. godine, održane u povodu početka implementacije Interreg IPA prekograničnog

Interreg - IPA CBC  
Croatia - Bosnia and Herzegovina - Montenegro

programa Hrvatska - Bosna i Hercegovina - Crna gora 2014 – 2020. Na konferenciji su prezentovani najkvalitetniji primjeri projekata koji su bili obuhvaćeni prethodnim pozivom za prekograničnu saradnju, a učesnici su upoznati i sa novim pozivom koji je objavljen 9. marta 2016. godine i bit će otvoren do 10. juna, do kada će aplikanti moći predavati svoje projektne prijedloge.

Poziv koji je objavljen 9. marta 2016. godine, sastoji se od sljedeće četiri prioritetne oblasti:

-Prioritetna oblast 1 - "Unapređenje kvalitete usluga u javnom zdravlju i sektoru socijalne zaštite" - ima za cilj da doprinese poboljšanju javnog zdravlja i socijalne zaštite poboljšanjem dostupnosti i efikasnosti javnog zdravlja i socijalne zaštite i institucija.

-Prioritetna oblast 2 - "Zaštita okoliša i prirode, poboljšanje prevencije rizika i promoviranje održive energije i energetske efikasnosti" - direktno odgovara na okoliš i potreba za zaštitu prirode, izazova prevencija rizika u smislu poboljšanja u području sposobnost katastrofa odgovor i ima za cilj jačanje korištenje obnovljivih izvora energije na taj način poboljšanje energetske efikasnosti.

-Prioritetna oblast 3 - "doprinos razvoju turizma i očuvanju kulturne i prirodne baštine" - ima za cilj dalji razvoj i diverzifikaciju postojećih turističkih potencijala područja programa u isto vrijeme koristeći i zaštitu prirodne i kulturne baštine na održiv način.

-Prioritetna oblast 4 - "Jačanje konkurentnosti i razvoj poslovnog ambijenta u programsko područje" - se odnosi na glavne izazove i potrebe koji se tiču jačanja konkurentnost i razvoj poslovnog okruženja u programskom području kroz implementaciji prekogranične poslovne podrške akcije koje imaju za cilj jačanje saradnje između institucija za podršku poslovanju, obrazovanju i istraživačke organizacije, klastera i poduzetnika s ciljem razvoja novih proizvoda / usluga / patenti / robne marke u programskom području.


KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Grada Mostara

U MOSTARU RASPISAN KONKURS ZA NAJLJEPŠE UREĐENO DVORIŠTE



Kako se bliži proljeće, a idućeg mjeseca Mostar će biti domaćin 19. međunarodnog sajma privrede - Mostar 2016. godine, kada će u grad doći brojni gosti, tako se i pripremaju aktivnosti na proljetnom čišćenju i uređenju grada. Jedna od aktivnosti koje poduzima Grad Mostar u cilju unaprjeđenja odgovornosti prema zaštiti životne sredine jest i raspisani KONKURS za izbor - najljepše uređeno dvorište (okućnice), školsko dvorište, balkone i terase stambenih objekata i najuređeniji gradski prostor.

Konkurs je objavljen na web stranici Grada Mostara, a sve prijave na konkurs potrebno je dostaviti na adresu Odjela za gospodarstvo, komunalne i inspeksijske poslove Gradske uprave: komunala@mostar.ba.

Petočlana komisija imenovana od strane Gradonačelnika Mostara Ljube Bešlića dužno je u periodu od 10 dana od momenta zatvaranja prijave

na konkurs izvršiti pregled pristiglog materijala, izvrši terenski uvid (kontrolu) prijavljenih lokacija te izvršiti ocjenu (po prethodno utvrđenim kriterijima) najboljih prijava u navedenim kategorijama. Prva kategorija je najuređenije školsko dvorište, a nagrada je od 1000 KM do 500 KM i to za osnovne i srednje škole. Takođe, raspisan je konkurs za najljepši balkon, gdje je nagradna od 150 KM do 50 KM i druge nagrade za dvorište okućnice i dvorište sambenih blokova.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC MART/ OŽUJAK

- **21. mart/ožujak - Dan Općine Doboj Jug.** Tog datuma je 1998. godine održana prva Konstituirajuća sjednica Općinskog vijeća nakon proglašenja - uspostavljanja novih općina. Također, tada je Armija RBiH 21. marta 1993. godine zaustavili veliku neprijateljsku ofanzivu u Bici na Karušama, tzv.tenkovska bitka u kojoj su jedinice 203. Slavne motorizovane brigade ARBiH "Doboj-Bosna" uništili osam tenkova i tri transportera bivše JNA, odn.vojske tzv. RS-a.
- **21. mart/ožujak - Dan Općine Travnik.**



Doboj Jug



Travnik